禮

經

校

釋

艫經校釋卷五 郷射禮第玉 虞之 道所以使民日遷善而 注 相 古之爲治也漸民以仁摩民以義節民以體 為表裏注疏據之確然無疑繼公敬背 **酒鄉射其事統於官蓋上與民相** 探可忿疾 大學曰上庠或曰成均小 ■/稳矩校释卷五 小學日西序鄉 吳縣曹元孺學 不自知也 學日 殷大學 周官 厲以禮 下庠夏 與此 鄉

鄊 射 記 膠 稱 以處 禮 學學 判 爲 使長 便能 鄉 大夫士 黨 制 主 日左學以夏之 定库為 大略如 灰遂之 人戏 使 則 宿 戒也賓 小學又以為鄉學 射 賓 學 興能 使 此 澤日此· 能 校鄭 校 序 不循戒 而云使者 者人 入使治之也 郷單 散遊 爲 大學 亦 鄕 文鄉 則校可周 疏 夙 學 興往 周 作卿 承 · 周大 通鄉 朝 紦 夏后氏 學 所謂 戒 學 此 名 服 與 丽 譌 也 鄉 直

不緊乎先期與者身往請之其 華 指 記亦云不病 拜送遂從之戒在食日之朝與鄉飲鄉射 讀 賓己 鄉飲亦拜 民 言拜辱此為習民以禮樂不主為賓己 無疑戒警也語也公食大夫禮使大夫 經尙未 禮主 禮樂 有 事 // 體經校釋卷五 於 當禮 熟 戒則稱戒者固 禮 迎拜送而言拜辱此但言迎送者 而義異者此 迥異 不主於 而 日 安駁注惑矣不言召而 人其義隆故重之 其義殺故但言迎 類是也盛說 不必先期告之 而 日拜辱 也 計 禮 來戒 也 同 此 被 故

雕先 肇昕駁之是 其 但 射 謀 事重 就素 則 以禮賓之 賓者時 酒主 竊 但習民以 故主 所知德 一注及 於射也其序賓之禮 不獻賢能 即貢之 行道 不敢 禮樂不獻賢能其事 下節注義 一蓺優 於 自 極電 君 專而必就先生 者請之為 也 而小變之 而出使長之 略 釋 刨 鄉 一謀之 入使 飲 故 詩 胡 酒

鄕 此 獨 無 也 履 亞 同臣禮 以追 皆 與堂 在 飲賓禮盛有介 無 於賓 三賓燕四方之賓亦無介者以上介爲賓禮 位諸公卿大夫士亦臣也無所謂賓黨故 因乎分理之 說之謂五州之中德 也公食則食禮異於饗禮惟賓一 放此主 丽 下眾賓相去無幾殺於介遠矣無庸略 鄉飲立賓及 已食雖敵亦無介饗則有介行敵 /量堅交畢祭丘 於射則略之不略三 自然 鄉射寶 而非 **醴略無介燕大** 有作致於其閒 行道蓺相 州之中安必德 次比 、射賓 食 一賓 者 禮 也

眾賓節 刀力 席節 閒牖 之 鄕 不言於戶牖之閒者此射於 公謬說則是 外注主於射之義說燕大射公食皆失之惟駁 飮 必在西北故不於牖前而當於戶西正客位 一蓺無可與賓相次者乎其說此經無 以是禮 經不言戶牖之閒者以射於序也房室 記 校曰以是當為是以 序 釋 日鄉射之 介仍 一制詳 戶即賓 繼 能

縣于節 尊於節 謂 言繼則與鄉飲之不繼者異矣二 繼 禁 禁此不言禁者以兼有大夫禮故言斯禁不 應言禁制不言者 箾 也詳鄉飲 者甫欲習眾庶未有所殊別 也 非設席南北之節當從張氏儀禮 釋曰主人席南上與鄉飲同韋氏協夢 //禮經校釋卷五 校曰制當為此言士應 禮所異者多此 釋 9 圖 日繼屬 也

張侯節 兼 辨繼公之 士禮 縣 業 天子大夫士 改 似云中人定扼圍 鄭知仗用布 謂磬 取數 作之案改之是也 下記云獸侯 從鄉 於武也 上大 也 謬則是互詳鄉 禮夫 亦盛氏謂兼天子大夫士失之 則無論 釋 校 亦得兼鼓與鄉飲 九寸也 釋 其他 布下似脱者字 日是下脫以字 朝服 飲 燕射獸侯 校曰阮云定浦 先當改皮弁矣 7 也 同 此諸 维 如 俠

多誤 **道而居侯旁之一分南北節也旁字暗攝下句意故** 乏参節 下即云西五步東西節也經立文有此例後人說此 紫節 侯中 居 摘釋 中掩左廂向東 云獲者御矢也者 分之地十火也 釋日乏字句言設乏也設乏之節參分侯 1. 1. 10 人にはほど 釋日謂自左廂向東而掩平 校日注有所以為三字此 釋日謂去侯十丈

賓及節 个 與禮異 戒時玄端 弁者天子之朝朝服也漢郡守皆天子大夫 冠皮弁郷 **弁服三字與他處皮弁服畧殊但服皮弁服 亦天子所置用皮弁服正與禮合而云異者此** 和國行 節 八 家 臣 此鄉射禮皮弁服與禮為異 **利米杉将北**子 釋 酒記注所謂玄冠而衣皮 日詳郷 釋 鄉飲注 飲 以相為主  ${ar H}$ 弁服也故 釋 國 日皮 而 相

則司馬亦公有司私臣並得為之司馬即此相 得以家臣為之矣司射旣公有司私臣並得為之 屬吏也此云家臣者鄉飲禮重必用公有司此禮 射主人之吏似據屬吏而射義孔子行鄉射於矍 臣此言家臣其據鄉大夫與下云作相為司正又 輕容兼用私臣故注兩解之也家臣其宰與士 注云相主人家臣與鄉飲注下司射注射義注 相之圃射至於司馬使子路執弓矢出延射注 **公司正為司馬叉有司射與司馬班同下注云司** 延射則為司射也子路未嘗為公臣則司射亦 / 體經校釋卷五

賓脈節 揖眾賓 禮賓之也故不用家臣鄉飲之注可 俱合也鄉飲之 眾賓即不為卑不論有舒無也 位告近階故此禮獻酢奠虧即在階前下賓進 **飲射眾賓之位與士冠異士冠有兄弟飲射** 冠眾賓來者有數飲射無數凡禮賓主 面辭冼注云言東北 字無下 相必用屬吏 有虧字是也 (者所謂 面則位南於洗者 於鄉於 帥其吏以 校日各本郎 飲此 階 禮 無

賓賓不敢 當故亦聽主人 賓客之道進宜難也 者難進之 、以賓節 讓而主 位. 在洗北耳程說誤 賓升俱升者主 本孔氏微言鄭校 人乃先 義也此敵體之常也計 人先升者是主 / 禮經校釋修玉 位非降位也資辭洗必在 升以道實 人盆尊賓 釋 主 主 護賓又 故先讓 、讓如是 盛 也 鄕

降席節 (西階前節 作階東節 作階上 故知主 賓席東 先升此主 心物再拜 面盥洗自外來 節 人先讓賓也 |方氏謂降席本宜自西失之 人先升故知先讓也 升例詳士冠禮 絶祭 日再上脱至字 釋 日詳鄉飲 釋 疏謂必先讓乃得 八南面賓北

固主 經之心矣方氏以主是師賓是弟子為說然此禮 於臨之故注以主從內出賓從外來釋之可謂 西階上拜節 坐奠節節 作階之東節 即上 解俱無是字案無者是 對主人自內出南面是也 故云取爵于序端 人敬賓ク |東序之西南面位 /禮經校釋卷五 一禮非弟子事師之禮也 賓西惜上拜 校 校曰西南 釋 校曰阮云陳聞通 ||似肌下字 日此時主 一字當倒

方說誤 也此實雖不如鄉飲之重然旣立為資則固全乎賓矣 退互見於鄉飲方氏謂不少退致敬於州長案 一西南面節 ,酬賓乃主人敬賓之事不少退則是以尊臨 作階上 **螳** 改為辭 此射前獻時親酌己 **亦從鄭注可** 乃與眾賓拜敬 ||拜送節 知 校 日 不能並 校日射當為對阮云浦 殿本改為彼注 釋 義 此

間持 誤甚 賓之時則其心先不誠而 在位猶 公卿大夫 拜眾賓必在獻賓畢邁入必在 含卵 列而 通 中者謂之忠也若以拜眾賓之 此 義 賓眾賓遵者 升其次亦以 7厘至交易第二 覲 法 同在位至其行醴則固有序也方 禮也致敬於 禮四傳擯每 校日阮 敬 同在位燕禮 禮皆不 不能並也五等諸侯 位畢旗者以 行矣敬 大射儀賓 節雜 郷案 他 舉 解後 貮 能 獻 所 同

眾賓辯有脯醢 八揖升節 拜送 中 是 如彼多無數也 此並與鄉飲酒資介與眾賓之類並來與在射 賓 其衆亦三人 不席也 右知之也 校日上與字符言鄉飲所來者此皆來亦 校日不下各本有云字是 別彩花彩 光二 校日賓上 校日眾下脫賓字 一脫眾字

大 夫 **預及節** 初位 初位爲主 鄉大夫士 引此注者蓋以彼復 節 者亦是助主人樂賓但旣異鄉則不 但與鄉不助主 疏不下似脱必字 降眾賓皆降復 內東面 人復阼階下位實 非 /禮經校釋卷五 鄉 釋 八樂賓為別也 校 初位疏謂復西階 日鄉飲公如大夫入主 初位下特言主 日鄉 復西階下位既各 殿本改作 校 八迎 東面 卿疏 鄉 則 位 同

衆 其道 位 直 則記 至 賓 而 迎 西階 後 初 阼 則 赵 降 階 明 初位 東 主 髙 忘 位主 斑 其異 復 面位不立 • 之 初位 賓波 卽 獨 一勢故 过 門 在 也 迎 夫 1 作階 或其 炽 内 於 所 但立 位 門 四階 即 濱 二二定 然者 춢 官長 下累立 內 ||於西階 主 也 故 階 迎 此經 鄉 鄭 飲 揖讓 降 於彼無注 復 位 云 即 賓 以 主 西階 及眾賓亦 直 北 者 賓公士 處 至 降 而 門 下 也 旣 於 位 內 升 賓 從 樂 也 而

主 初 於 與 有官職者也主 揖讓節 大旗之常 而復 面皆 鄉飲實 位 明 西 喈 爲賓夾尊可知 設無大夫 例 乎注 賓以見主人 也非專氏協夢說非程氏謂事竟則 如下 同 所謂 禮經校釋卷五 文 獨於 人與大 可易 資於 主 相 厭 揖 也 校 <del></del>
夫則異 夫犬 非夫 爲 E 彼 禮賓 疏言西腊下 爲 舉觶後降乎 實行 之權 其 作與 賓皆 人固當 否 非概 平 注 眾 抑

大夫降洗 升不節 薦節 矣韋氏說非 統 大夫升席由東方 於尊也大失席于尊東而西上賓席在尊西 夫若眾則辯獻長乃酢 上明大夫與賓夾尊也大夫不啐酒則降由 叉不以己尊加賢者也 大夫降席 東南面 釋 日升由下也大夫席西 校日席字當重 釋日 校日又字衍 而

人復節 同 射若大夫必一 卑故然 矣謂射故盜殺邁者之禮而不誤正射之時此 權制者也然其儀之隆殺實與有司徹之 獻眾 獻 則固無降等之嫌盛說非 長 乃酌也 長賓于西階上 洗虧升 資辯 禮經校釋卷五 、與主 校日酌字譌單疏作酢 酌 酢 酢則日將不足而廢主 校日洗虧當為揖 一然後 敵而亦然者以此時尚未 校日然字衍 例案彼 讓 人尊智

非 相厭以大夫非賓之屬眾賓 揖讓節 夫降 賓厭眾賓升之文顯然分別繼公說謬 、揖讓節 節 授主 將後獻眾賓 節 人自酌不 爵 釋日大夫下於賓不必下於介繼公說 釋日賓主升大夫及眾賓從升耳 盥 校 校日後當為復 授單疏作受案下經作 校日 、非大夫之屬也此文與 酌似當為酢

迫 位 席在階東明其異也此經下 **被矣燕禮大射與此 燕贈而決之日此言樂正先升立于西階東則工** 席在樂正東則其去階非直少東而已故彼注 于階矣注以 |樂正先升立于西階東以樂正位繼西階||言 丽 西則工席與階相去止容一人之地其為東也 又畧 位皆在工 西彼言西階上少東 / 禮經校釋卷五 兩經細校 |西此以工席權西階||言樂正在 同鄉飲酒云設席于堂康東 而為此說精密之 明樂正在其西者 席之位當被樂正之 西

有意 不則 體也必先有志於其所有事也經云少東總謂 席離階之節繼 旣 謬褚氏之說當矣 此必少東者此 少東則已在西階東與階相繼矣復云樂正立 **欲大東明矣** 少東為辟射 于其西其 之可言故從近繼席言之故知樂正 言至射位 處 此矣 西 天位繼公混鄉飲及此為一好位之少東惟鄉飲無射不失大射亦為辟射燕禮燕里程設之鄉鄉 飲無射不 則席 釋 有射事示豫避射位君 西以西之至幾無復 日謂經旣言席工于西階 **加州不云少节** 射少東 側 一盛氏從 西階 子之行 郑 東 東放必

四人節 鄉飲大 鳴豫故鼓在前不 鼓在前變於君也 連也安有禮重者樂反微禮輕者樂反盛乎鄉 笙閒合備謂非鳴豫而後首鄉射但有合樂謂 断俟通 所以 鄉飲酒 射禮重以主 然者避 人質之 面鼓果何說乎則注尚樂志在射 /禮經校穩卷五 位與此 射位也以意釋之如此然終 知以 一敬故鼓在後鄉射燕禮 釋 同 樂樂賓正以將敬非為流 日注義至精姜氏兆錫謂 釋 一此說誤 一国 輕以

恐妨結也前越有弦結蓋鄭案禮圖或見古瑟而 **힃尾狹弦當前越處更有結故相者手入之淺惟** 前越言執者內有歿結手入之淺也 有弦結之 知今不能詳其制矣賈疏文有脫誤盛氏不考內 君之說為經之定詁明矣盛氏兩可亦 之謬說也 近尾不鼓處并而 内越孔雖長 亦與瑟者同 制而但執今瑟以繩之宜其惑於穩 校日内當為前 校日亦當為不 俠 曰此下當有脫文 釋日瑟首

]?

乃合節 笙入節 縣中磬東立 言其制 **卜也言縣者士特縣亦得稱縣也鄉飲言其器此** 是以通 入則深 近鼓持之入則近手入則深 補云狹處無結寬處別有結故側持之法云 殿本改云近鼓持之手入則淺近尾持之手 也其縣位則異經文自明互詳鄉飲 /禮解校歷卷五 校日通當為此 釋日士惟有磬無鐘則縣中 校旦文有脱 Ė 謂磬

經但取用其正不上取下就而已不計 其正此但用合樂 之不得岐之注 出焉方氏所說修身齊家之義則注下文固巳 不畧合樂者周南召南之風鄉樂也不可畧其正 且大射君 也 節歌止 相當耳江氏拘於篇數謂大射兩言三終亦六 知經立文之法而求之過矣詳鄕 日鄉樂為大夫士之正樂用樂差次自 禮雖畧於樂猶宜較鄉射為盛然大射 |篇鄕射 外 節大射用升歌 此與大射同是畧於樂不畧 節歌有六篇則隆殺之 17 下管二節者 一節 飲 節 包 節

昔大 歌備備者用所當用而無缺失之謂也大射不言 乃為正歌備不全四節者則歌 不與節 歌備者畧也 字 若然者 注叉與燕禮不異者 云合樂者 歌後乃合樂 王王季文王以下誘段氏 //禮經校釋卷五 正 歌備 校日者字行 校日云下脱不畧二字 釋 校日歌下似脱次笙次閒 日禮當全四節者則歌 校日燕禮當為鄉飲 王裁說 節若一 + 一節即 為

樂正節 言樂正降者堂上正樂畢也者至 堂下閒歌又堂上堂下代作合樂堂上堂下合 笙閒合樂皆有皆是正歌升歌於堂上笙奏於 樂畢也 作四節備堂上正樂乃畢樂正乃降今暑去 歌 同非大射之三糸 歌也 笙 作樂皆三終 閒 釋日言注云然者以鄉飲燕俱升 校日三字衍 惟有合樂 釋 日此與鄉飲酒義之三 節於堂 故云堂上 \_ \_ 台樂堂上 終

給十 師若是公臣則大師是官名不得以少師以下 君賜大夫樂叉從之以其人謂之大師 稱大師天子止二人諸侯半之當一 取爵節 皆有二字 但升歌笙閒合樂 注云然 也注說不可易注云君賜大夫樂者據 五州之事且君之 言耳既合樂堂上 /禮經校釋卷五 近臣夙夜在公亦無暇預 |正樂削畢樂||正即降矣故 校日但當為俱樂下似脫 人豈能 釋 褊

賓降節 夫 尊 言 有 於眾賓下反升節疏云眾 事其說可從互詳鄉 大夫不降尊也 升 氏謂或卿 鄉大夫詢眾庶言也若州長習射而有大師 自此至反升席 **賓非為大夫與眾賓但眾賓卑統於賓故** 不從降 下各本有就字案下經有就字 而言 大夫有賜樂而從以工師者使來 非從 釋日不降謂不從賓降尊謂 從降 飲 校日反單疏作及此從他本 主謂人從 賓卑從 降賓 降 降 蓋作樂樂 可知 IE 賓 對 蓌 遵 則

知其意 矣後 與賓於眾賓言厭於大夫不言厭義同大夫實尊 賓之從賓而降也注義以反升節疏推之灼然 於眾賓其禮雖殺於賓視眾賓則隆故不使如眾 此文是也有主人降而賓介不降者立司正是 降大夫尊於賓敵不 直與賓共文 大降 夫尊於賓也疏以眾賓卑明大夫尊可謂 人不考乃謂大夫不得尊於賓不知注固 有主 **超短收 科卷五** 人降賓介眾賓降而大夫不降者 釋日言直當與賓共文云賓 統於賓故不從賓而 降 明

)

工飲節 也大射注云左瑟節也者明經所以言左瑟於此 不節 之意也兩注 鄉飲疏失之 左瑟辟主人授爵也 假令 八無大師則工之長者 小眾工 大師左瑟 不與受虧 又對上一 |相兼乃足詳鄕 校日 校日左當為在 拜受衝 釋 日此明所以左之之 飲 下脱拜字 釋日歌之長者也詳 校日一 故

不洗節 反升節 繼公謂於卒洗時升則主 亦揖讓以賓升眾賓皆升 似當重 故 拜升不升當為不拜 對上賓主 人節 一謂君賜之笙人 人升階受爵餘者不升 /體經校釋卷五 校曰賓主當為眾賓 校日謂似當作為 人尚有事 釋日賓於此始升也 校日升階當為 不能就席賓 七

以 因辭 獻遵 降 丽 別賓主 爲與獻 爲 就 一群降下 言賓之 後之升 司 而 樂 正 ιŁ 乎資降眾 抑 樂己為己而 之 放畧之 側 著 禮 降 賓 與 有 八山之文 、就席 比 而 賓自 例 也 如 者以 洗 此 從彼 從 獻 者果 氏謂 此不 乎原賓之 降 例 專獨 師故從之降 如 所云 此 降 因 フ 所以 主 主 經 迎賓賓賓 辭 降 何 且 例

理也 揖 禮 八降席節 自行獻 依經 「郷以 殺 眾賓卑從降可知 注大夫不降尊也為對眾賓降言明矣 譲之 由便 例求之主人辭降時賓對復位 /酢醴盛時自北 開閱時能有幾何方謂對時失事非 /禮經校釋舊五 一獻笙之事禮畢與賓揖讓升 釋 日此山平常降席之便蓋席東鄉 由下降由上 釋 日此義甚精據此 皆爲由便而 西階 對 則 酒

相節 由便同 末之禮不得依降席常法故改從北方亦由席 便也此禮殺無事則自依常法爲由便矣 當為而或曰由字不必增亦當為則 啐 與尊者 但中間爲射繫 字案無者是 解節 酒於席末亦然 而所以為便者不同 釋日尊遵通 校曰阮云陳閩通解 校日啐上 |似脱由字亦 兩

末旅 故再拜訖 位乎且鄉飲之眾資鄉飲之眾射者盡在其後 間乃南北之中果爾則北廹於堂矣豈擯者 專為 南北之中也韋氏以 中庭為東西之中階 庭案鄭以中庭為東西南北之中經,后階間東 西節巳明故但以中庭屬 南北節並非以中 祭儀法之謂何何以爲司正誤甚 鄉飲酒注云階間北 行旅酬而已 / 禮經校釋地五 校日 校日各本行上 [拜當爲旅 面京四節也其南北當 有後字是也 É

司射節 注云相主人家臣此云司射主人之吏蓋互文 相與司射公有司私臣皆 司射主人之吏也 司射與司馬同班司馬司正為之司正相為之 命張侯倚旌樂正遷樂之事 論 **亦有脫文擬補云先請射納射器比三耦司馬** 一番射事 校日三上似脫將為二 釋日東謂屬東亦兼羣吏言 得為之 如 則司射 私 一字射 則 祖

與司射之必為公臣不知天子之有宗 嬰相之役子路為司射其明文也漢時州. 多文學之士蓋周之遺風方氏引天子 也 鄉射較鄉飲爲輕故私臣之善於禮者 所以꺺沓手指案此補傳以申傳也云韘之言 大夫之有室老士不得以相難餘詳鄉飲 猶閩也以象骨為之著右大擘指以鉤弦閩 射儀朱極三注極所以 日詩童子風雜傳雜玦也笺云雜之言 長民之 /禮經校釋各五 花眾射者 393 I或兼用 伯司徒 禮以決 固無

可爲 指以下三指叉極以韋為之玦以象骨為之而 注 毛 有韋緊物類相似禮經對文異他經散 傳者蓋玦與極相將之物玦以沓大指極以 射 訓蛛 則 上言設決下言朱極三士喪上言決 極 決 極與決為二物韘既為極 極 傳以申傳也說文韘:射決也 稱 極 為玦者非不知雜之言沓與極 沓指放弦箋以沓訓韘是謂鞣卽 即 一者物 可為玦 ] 類相似情古相傳通得 稱鄭蓋補毛所未備且以 則非決知 所以 摩 下言 文則通 一義皆 箋非 極但 省 韘

拾斂也 訓雜 畧異容再商 君 經反傳莫此為甚不足與深辨矣 豫陳於 在大夫射則內袒是大夫尚有內袒之 所以 夫何以 西階 內租明矣吳廷華謂不當內和 也詳詩箋釋例胡氏肇听說與鄙 禮經校釋卷五 別大夫在公所與君復何以 膚劍衣也 草果 西階當為階西 聲詩 指又有極極 1章子 射者必肉袒 重 則 別 記 則

**資對節** 可 弟 射降節 賓爲賓黨主人之贊者爲主黨蓋旣立學士最賢 子賓黨之年少者也 字 故 側持弓矢日執 以遂弦者也者 將指無名指則決著大指也 射不請者 解削 許 校 校日 校日弓下注作弦 校日注以 日請似當爲許許· 似當為不 釋 日鄉飲鄉射之例眾 上有所字 1111 同 上宜加云

更 黨東 子東 亦有弟 化民 日立者東面北上 面是賓黨可知若投壺則燕私之 面主人之吏西 司 為資則 射臨 有弟子習 **予猶特性之有賓弟子兄弟弟** ( 駁也 郷民 //禮經校釋卷五 事 來與者皆眾賓也主黨性 乃定位此時尚未 凡學十 禮主人之吏之 主人之 面 皆以爲賓黨宜矣鄉 此司射西面命弟子 ~ 贊者 (位於) 有位 與經背胡氏 西面 百 禮故 川在 子此 主 飲 明

執 納飾 在堂 弓謂於堂東袒決遂而取弓于序東也射畢云 序互文也下文第二 云倚于西序即在西序西下云在東序東即 问故別言之 黨皆不 西惟弓矢有序西堂西西廉或上 而倚于西序倚于 西堂 弓說決拾謂于序東釋弓而說決拾於 與 納 主 也 一人弓在東序東而倚于東序賓弓 射器皆在堂西 **賓與大夫之弓倚于西序** 校 一番將射云主人堂東租決 黨 脱主字 釋 |皆在堂西對 凡所納 II. 或下位置 釋口 射器 倚干 堂

誒 西非西序東昭然明矣楊氏大堉從、耀小,增西字 可射不釋節 弓倚于堂西叉河在東序 節 隨其弓在堂下 矢在北括 下別各隨所宜也 矢在堂上 **门因選其力相近爲宜也** 一配其弓之 /禮經校降化五 校日在下 校日疏意似謂堂西之弓矢 在下者與序西之弓矢上 殿本刪隨字 殿本有弓下二字 校日因當為應 **≜ E** 参其為西序

弟 司馬又命節 可 正節 正節 有其事注亦同方氏誤以爲言工 所云降立于西方者謂相者坐 **資始二** 節 兼 要當選其力相近為宜也力即才也 亦上張侯者也 士有鄉大 釋日此工降避射也鄉飲無射則不 一人舉觶 夫 校曰亦字當重 校日賓字譌單疏作乃 校 H 殿本刪士字 授瑟降 一降疏失之甚 耳則 降 此 經 彼

序也 其人故命之時稱弟子至 耦皆袒節 有司弟子 亦 一序明矣 則 稱弟子弟子非少不更事之 有專官先已定其 鄉堂不與工序也 稱有司名以義起也納 則向之 此工東面樂正乃北面以鄉堂明不 納 /皇巫文奉医丘 北面者亦樂正之位自當然而 射器者也 人故命倚旌時 此 釋日未事則爲弟 射器非專官 日堂上て 徒自弱冠 稱 -弟後子或 即那獲 北 面樂正 與 文稱

逐授矢 年富力强而習於禮故可使之爲賓主人大夫眾 質言之則三 賓倡也則此弟子授弓矢亦何至如方氏所慮倉 皇失措乎此爲習民以禮樂故禮事皆使弟子 未及五十者皆得稱之記云三耦者使弟子明其 受於納矢而授之 三耦亦先戒之故經不稱弟子方謂經于弟子皆 故郭注解上有司 疏說注無其交竊疑故鄭注解四字衍 |耦亦非弟子耶 釋日納弓者執弓納矢者 釋日以上有司為司馬乃

司射節 耦皆節 先立于所設中之西南東面謂可射先三耦而立 者使授三耦各專其司無相奪倫無攸曠職禮之 固東面矣復言之者明卻時還 弓也繼公說非 好整以暇也如此納矢者不自授三耦者統于 執矢以待納弓者授弓訖納矢者即以矢授授員 去未違俟處 三耦節也其位東面又云三耦皆進由司射 // 植經校釋卷五 校日去當為云云上當補故字 釋日經六司射 琶

南之 改文\_ 立于其西南 經先字疏 面時故復言東面以明之注固字承經先字 面立于三 于其北也其位仍東面夫三 西立于其西南東面北上 位而其東面則固自中西南時已然後無所 可相蒙必再言之者明自東北退至西南時 | 耦之北謂司射離本位西南就三 向叉西南行乃轉而東面以暫有 經先字舊先之先與後先之 云司射先在中 則 司射位在三 一而俟謂三 西南東面先字亦承 親之北 此非復中 耦定位也言

揖進節 至三耦光必還而退注疏尋例按圖精密之至後 射東面以 因經云司射先立對三 今言豫者謂州學 西南對三 說皆非 還當上耦與此還位同让云還左還也可證 明司射卻時右遠 西南東面也 一耦之 東為進以西為退就 禮經校釋卷五 北位言文各 也讀如成周宣謝災之 校曰東上 校日 耦立言疏云司射先在 |有所當也卻退也 脱向刀 右似當為左 見揖 進自中西 É, 訓 司射

明 盛 物當榍字亦當作 夏后氏之學 叚 舉其名 此今文作序為 而去其室爲 序凡屋無室日 借 作序則制 此 經分別庠序之 耳 川川當 爾雅無室 亦非 不 作序以對庠言各有當也記云序 謝制故舉其名則日序核其制 顯故以今文爲 非者蓋 謝宜從 也 謝鄭 一之屋與此無干了 謝 制以豫對堂必從謝而後 周以夏后氏之序為 釋 實 不破者以序謝聲通字 謝 此經序當讀謝之 日 鄭於周禮從序而 非周禮 **今文豫為序序** 及他 經運 則 明 則

以意 臺也與此無涉 言謝有二 淺深行事方位經文自 然有堂無室經究未明言向使無爾雅之文孰敢 廟無東西廂有室曰寢言謂室也此州學稱謝 在其中矣又謂序之 夏之序為鄉學而去其室故孟子曰殷曰序序 據雅定禮確不可易旣定其爲謝無室則尺 知其道乎 推 測 而杜撰其制勢必與經 //禮經校釋卷五 云有木者謂之謝承閩謂之臺言謂 竊疑序為謝制自殷巳然蓋殷以 云無室日謝承室有東西廂 無室其證有三而爾雅不 **脗合矣盛殆由之 囘互而後**已 育し

及物節 謝 合足而俟合足則是併正其足即上文方足也蓋 乃俯視併正其足 當為誼誼從宜得聲皆以聲兼義也周以有處氏 射 一年爲鄉學而以夏之序爲州黨之學其無室 也序當為謝謝從射得聲猶中庸義者宜也義 射法與後世異必志正體直而中乃爲賢故書 爲證鄉立庠之義也 則因于殷也 東膠二代名 校白日 釋日下三 一上脫兼字 校日爲字衍 |耦射云還視侯中

時演習其儀言之必無誤也盛氏執晚近之法以 以範之漢世近古學校猶 意 解 足還及五字以下文推可知 解足未正先 正足之言 然云還時兼視候中也 經不方足還及正足之言 射而謂注於方足正足無分別誤矣 不方足併足則是立也反言以明之 / 禮經校釋卷五 親此則 視侯中之意 一脱不方足還及五字明 行鄉射之 釋 校 下解其言此 釋日右足還 此因注 解下脱不 禮儒者 即 解 解 兩 解

不去旌 可馬節 司射善射必中正不中旌也此餘義也若繼公云 則射時去之此正義也旌不去不慮爲矢所中 以其不獲 主於中則無是理 故補之亦與上不方足還及足未正先視侯中 但 誼相成 今以二 解不方足還及正足之言中有視侯中 一耦誘射 釋 朱文公説與此疏畧異並存 日此據經為說也三耦以下當獲 校曰三耦當為司射 飾

皆當其物節 司射還節 遠左還也 之意繼公說非 而西南行至當上 不決遂因不射不備 而決遂盛君禮也然不挾矢與鄉射同則亦不 不射則不決遂義當然常體也大射司馬雖不 以是豫使見之望 合足而俟司馬命去侯 一體輕核釋卷五 釋日左還向左而還由東面而北 一耦處乃正西面也疏說容商 釋 校日堊字當在見字 日決遂為射而設司馬 校曰俟字當重 射 面

可馬出于節 射相 成其為 圍 也 取矢義 射位也左 叉命取 之迁 下射者 因不射不備 於此 偶 耦 矢圍左物上下射 囘 正與此同蓋團 物則下射位也 曲 也 明爲一 而司馬可有輕重於其間乎圍左物 耦 折者皆其愛敬之心所彌 雖不在豈可以虚位 觀仁 人命去侯 校 下 可 日備下脫者字 射者明其為耦也上 雖皆不在然 圍左物者明為二 觀忠董子 釋 日注義至精 而忽之平 右物 所謂 綸 無間 則 命

與升節 獲者節 可射進節 有文以 寪 在若但習其文而不求其義則是儀也非禮也 威儀多夫威儀維德之隅必有所以為威儀 而適西階去 謂射 諸 禽 獸 為 獲 作著案著字是也 西階遶東 相接歡然有恩以相和者也如諸家說僅 禮經校釋卷五 校日遶 校日去 校日 殿本作之 殿本作者 宝

卒射 剿 而 案彼注云不南面者為不背卿夫卿尚不可 之公大夫遵者也禮殺於賓司射無容難之 諸公大夫亦在而司射南面不嫌背之者鄉 君 面 凌 亦復下不背卿注舉其難明者耳下諸公 况於君平大射辨尊卑卿有折俎又卿 氏以大射司射卒射北面揖爲君在堂上 則經文自明故不及蓋北面者非惟上不 殊位故注細 北面揖則專為敬君故義各有當也鄉射 射卿以在君所而伸其尊尊卿所 別據卿言之若君在臣不 如爵 與 敢 背 故

命弟子納射器注射器弓矢沃拾旌台籌櫃豐也 使弟子授之設之 云有司左執附右執弦而授弓注有司弟子納射器 | 言有司此復云弟子互文明有司即弟子也上云 也凡納射器者皆執以俟事此云命弟子設福 馬出于左吻節 弓矢皆弟子所納之射器 子授之 同是射器何以一 故 禮之宜也如後人說分有司弟子 |注以有司為弟子弟子納之還 命弟子設福 使有司授 **橘既弟子設之則弓** 使弟子設 日上授弓已 4-114-1

弟子取矢盆足證 司馬由司射節 乃設楅節 何 東肆統於賓 **也統於賓義不可易** 所以使上射在西者仍是以賓為上 ,自節 是其承笴也 云司射之南退 始則皆使弟子繼則分屬有司弟子乎下 カオオオオニ 釋日繼公謂東肆以上射在西 上授矢之有司為弟子矣 校日也上脱齊矢二字 校日云下脫司馬由三字 |射賓在西故 条

**履經校釋卷五終** 方應 鄉 非 經各舉 者許則取者亦許明矣此司馬命取 **狡者與弟子職** 此時當諾于侯中諾為事不 司馬命取矢獲者許諾許以 獲 許諾 諾諾取矢也取者諾則指教者亦諾明 邊明之云自西方者 禮經校釋卷五 此弟子曰 將弟子取矢 [諾事同互相 旌 為離位也繼公說 獲者以旌指教 韓校字 指教之也指教 矢弟子自 乃退言也 豆 明